



Inatsisartuni ilaasortaq  
Juliane Henningsen  
Inuit Ataqaṭigiit

**§ 37 naapertorlugu apeqquummut akissut – nr. 2011-211 nunatsinni  
isiginnaartitsisarfeqarneq pillugu inatsit**

14. nov 2011  
Sagsnr. 2011-045068  
Dok. Nr. 763645

Asasara Juliane Henningsen

Postboks 260  
3900 Nuuk

Tlf. (+299) 34 50 00

Fax (+299) 34 66 66

E-mail: ikinn@nanoq.gl

www.nanoq.gl

Isiginnaartitsisarfeqarneq pillugu inatsimmut ataani taaneqartunut apeqqutinnut Naalakkersuisut qujapput.

1. Pilersitsiniarnermut inissisimaffik sumut killippa?
2. Inatsit tunngavigalugu atorfiit qassit inuttalerneqareersimalerpat, tamatumani Nunatsinni Isiginnaartitsisarfik aammalu isiginnaartitsisartussanik ilinniartaaneq eqqarsaatigalugu?
3. Qaqugumut naatsorsuutigisinnaavarput, nunatsinni isiginnaartitsisartunngorniarlutik ilinniartitaalersussat aallartissinnaanissaat?
4. Naalakkersuisut isiginnaartitsisartussanik ilinniartitaanissamut pitsaasusissaanut qulakkeerinnittussanik Ilinniartitaanermut Siunnersuisoqatigiinnik pilersitsippat?
5. Inatsit pineqartoq tunngavigalugu Nunatsinni Isiginnaartitsisarfiup aamma ilanngullugit siunnersuiffigisassavai sunngiffimmini isiginnaartitsisartut aammalu piffinni assigiinngitsuni isiginnaartitsisartut ingerlatsineranni isiginnaagassianillu suliarinninneranni siunnersortassallugit. Aamma Nunatsinni Isiginnaartitsisarfiup qinnuigineqarnini naapertorlugu atuarfinnut ilinniarfinnullu isiginnaartitsisarneq pillugu siunnersuisartussaapput. Nunatsinni isiginnaartitsisarfiup tamanna siunertaralugu sinerissami siunnersuisarnissaminnik pilersaarusiorsimappat?
6. Naalakkersuisut inatsisip atuutilersinniarnanun tunngatillugu allatigut saqqummiussassaqarpat?

**Akissut 1.**

Pilersitsinermi killiffik tassaavoq Nunatsinni Isiginnaartitsisarfik 1. januar 2011-imi pilersinneqarmat.

**Akissut 2.**

Nunatsinni isiginnaartitsisarfimi ullumikkut uku atorfinitsinneqareerput:

Isiginnaartitsiviup pisortaa ataaseq. Teknikkimik aqutsisoq ataaseq. Taakku marluk atorfinni aalajangersimasuni atorfinitsinneqarput.

Nipilerinnermut teknikeri ataaseq suliniut tunngavigalugu, isiginnaartitsisartut marluk ukiunut marlunnt isumaqatigiissusiorfigalugit atorfinitsinneqalerput.

Allaffimmi aqutsisoq ataaseq /PR-imut/takoqqusaarinnermut/tuniniaanermut suleqataasoq ataaseq aammalu isiginnaartitsisartunngorniarfimmi aqutsisoq ataaseq 1. januar 2012 tungaanut atorfinitsinneqarput.

Taamaalilluni pineqarput aalajangersimasumik atorfiit marluk, piffissami aalajangersimasumi isumaqatigiissuteqarluni atorfiit tallimat aamma suliniut tunngavigalugu atorfik ataaseq.

Akissut 3.

Isiginnaartitsisartunngorniarfimmi ilinniartutut tiguneqarnissamut misilitsinnermut qinnuteqaateqarsinnaaneq qaammammi uani takoqqusaarutigineqassaaq. Misilitsinnerit aappaat februarip naanerani 2012-imi pissaaq. Naatsorsuutigineqarpoq isiginnaartitsisartunngorniarfik augustip naanerani 2012-mi aallartissasoq.

Akissut 4:

Ilinniartitaanermut siunnersuisoqatigiit pilersinneqareerput, tassanilu ilaasortaapput siullitaasoq Siiva Fleischer Namminersorlutik Oqartussaniit, Joen Bille Statens Teaterskolemeersoq, København aamma Bendo Schmidt KAISKA-meersoq, Kalaallit Nunaanni Isiginnaartitsisartut Kattuffiat.

Akissut 5:

Nunatsinni Isiginnaartitsisarfik ukiuni ingerlatsiviusuni pingasuni siullerni aningaasaliissutit kingunerisaanik sulisoqarnissamut pilersaarut malillugu isiginnaartitsisarfimmi siunnersortimik ataatsimik 2013-imi atorfinitsitsisoqassaaq. Tassani atorfeqartup sunngiffimmi isiginnaartitsisarfiit, isiginnaartitsisartut namminersortut aamma ilinniartit ikiorneqarnissamik pisariaqartitaannik suliaqassaaq. Taamaaliorinnaasoqartillugu isiginnaartitsisartut, ilitersuisartut aammalu isiginnaagassialiortartut Nunatta Isiginnaartitsisarfiani atorfeqartut aamma siunnersortassavai.

Akissut 6:

Naalackersuisut ilisimatitsissutigisinnaavaat isiginnaartitsisartunngorniarneq pillugu nalunaarutissaq Naalackersuisunit maanna akuersissutigineqarmat. Isiginnaartitsisartunngorniarfimmi ilinniarnermut aaqjissuussineq nutserinermi annertungaatsiartumik ajornartorsiorfiuvoq, taannali aamma iligimagineqarpoq piffissap sivikitsup ingerlanerani naammassillugu suliarineqassasoq. Nunatta Isiginnaartitsisarfia ukiaq manna inini oqummik ajornartorsiuteqalerpoq, kisiannili kommuni suleqatigalugu isiginnaagassi-ormermut il.il. ininik innersuunneqarluni. Maannakkut nalorniarpoq Nunatta Isiginnaartitsisarfia iniminut qaqugu uteqqissinnaassanersoq.

Inussiarnersumik inuulluaqqusillunga

Mimi Karlsen